

Protocol no. 64
Sezzüda da lündeschdi, 28 gün 2010, 20.00 – 22.20

Preschaints: Jon Carl Rauch; Chasper Alexander Felix, Georg Salomon,
Marianne Werro-Lehmann, Jachen Andri Schmidt e
Rico Zini (protocol)

Protocol

Il protocol no. 63 da la sezzüda dals 21 gün 2010 vain approvà.

553 021 FABRICA
Andreas Gerber – Ingrondimaint stüva – Sot Baselgia 56

Il Cussagl cumünal decida da dar il permiss da fabrica seguaintamaing:

1. Tenor la dumonda acclusa al permiss da fabrica.
2. Il Cumün inchascha seguaintas taxas tenor il reglamaint da taxas e sia agiunta:

- taxa da trattamaint			fr.	320.--
- taxa d'attach d'aua, prov.	1.5	%	fr.	3'840.--
- taxa d'attach chnalisaziun e sarinera, prov.	2.0	%	fr.	5'120.-- excl. ipv.
- taxa d'attach provedimaint electric, prov.	1.0	%	fr.	2'560.-- excl. ipv.
3. Pel rinforz da l'attach electric vain inchaschè tenor art. 17 dal reglamaint da taxas e las indicaziuns dal controllör da las OEE.
4. Ils cuosts implü pel parair juridic da fr. 330.-- van tenor art. 96 KRG a charg dal patrun da fabrica.
5. Las indicaziuns da la pulizia da fö sun part integralas dal permiss da fabrica.

554 021 FABRICA
Marcus Batschwaroff – Renovaziun chasa – Saglina 22

Il Cussagl cumünal decida da dar il permiss da fabrica seguaintamaing:

1. Tenor la dumonda acclusa al permiss da fabrica.
2. Il Cumün inchascha seguaintas taxas tenor il reglamaint da taxas e sia agiunta:

- taxa da trattamaint			fr.	1'400.--
- taxa d'attach d'aua, prov.	1.5	%	fr.	7'200.--
- taxa d'attach chnalisaziun e sarinera, prov.	2.0	%	fr.	9'600.-- excl. ipv.
- taxa d'attach provedimaint electric, prov.	1.0	%	fr.	4'800.-- excl. ipv.
3. Pel rinforz da l'attach electric vain inchaschè tenor art. 17 dal reglamaint da taxas e las indicaziuns dal controllör da las OEE.
4. Ils cuosts implü pel parair juridic da fr. 330.-- van tenor art. 96 KRG a charg dal patrun da fabrica.
5. Las indicaziuns da la pulizia da fö sun part integralas dal permiss da fabrica.
6. Il material e la culur dal tet sto gnir definada avant la postaziun culla cumischiun da fabrica.
7. La dumonda da fabrica cumpiglia trais unitats d'abitar ed üna chi vain dovrada sco surfatscha da mansteranza (büro).

557 300.319 FESTA 1. AVUOST
Società d'Indiaca Sent/Scuol

Il Cussagl cumünal decida cha la Società d'Indiaca Sent/Scuol possa surtour l'ustaria da la festa dals 1. avuost. Las cundiziuns vegnan definadas cun nos manader tecnic.

558 11 PULIZIA
Uorden da pulizia – Proceder

Il Cussagl cumünal decida il proceder sco seguaint:

1. Procedura da consultaziun
2. Radunanza d'infuormaziun
3. Votumaziun tras la cumünanza d'urna

559 340.503.03 PLAZZA DA SPORT PALÜZOT
Quint final

Il Cussagl cumünal piglia incunter las spiegaziuns dal contabel e decida da preschantar il quint final a la prossma radunanza cumünala.

In quist connex decida il Cussagl cumünal da montar üna spina per baiver aua dasper la piazza.

560 790 PLANISAZIUN DAL TERRITORI
Infrastructura Archas Sura

Il schef da fabrica orientescha ch'in connex culla fabrica da la via da quartier in Archas Sura dessa güsta l'ocasiun da metter in net l'infrastructura cumünala in quel cuntegn. Il Cussagl cumünal es perinplet cul agir. Ils cuosts per quist' investiziun han amo da gnir eruits. Il credit corresponsuent vain dumandà illa prosma radunanza cumünala.

561 624 INGLÜMINAZIUN PUBLICA
Glüms da via

Il schef d'energia declera la differenza tanter las glüms cul chapè orandsch (Natriumgaslampen) e quellas culla nouva tecnologia LED. Il chapè d'üna glüm LED costa tanter fr. 5'000.-- fin fr. 6'000.-- ed il chapè da la glüm orandscha costa intuorn fr. 800.--.

Il Cussagl cumünal decida da müdar oura las glüms da Sala – Plaz – Curtinaglias cun glüms orandschas. Pel nouv sistem LED, chi's spargness bainquant forza, saja amo massa bod. In avegnir gnarà quista tecnologia amo amegladrada.

562 6 TRAFIC
Attenziun – Scolars

La schefa dal departamaint da scoula manaja chi fess dabsögn da render attent als automobilists sül privel pro la scoulina. Il Cussagl cumünal manaja ch'in connex cul levamaint da la deponia as pudessa discuttar da metter nan üna saiv.

563 620 ORIENTAZIUNS

1. Lavuratori cumünal

Il schef da fabrica orientescha cha la firma Fabio Bau GmbH fetscha per la firma Palatini alch lavuors in suotaccord.

2. Diploms

Daniel Vital ha fini giò seis giarsunadi da bos-cher i'l rang cun üna nota da 5.3.

Patrizia Primerano ha fini giò seis giarsunadi da commerzi cun üna nota da 5.0.

Il Cussagl cumünal piglia a cognizun e gratulescha als giuvens diplomants per lur success.

3. Revisiun parziala da la ledscha chantunala davart il dret d'aua

Il capo orientescha cha'ls capos hajan decis da laschar tour posizun i'l rom da la consultaziun a la CCC OEE pels cumüns. Il capo giavüscha cha'ls cusgliers fetschan lur ponderaziuns a regard la posizun propuonüda da sar Not Carl.

L'actuar: